



Tusagassiuutinut nalunaarut Pressemeddelelse

Nunami sumiiffinnut paasissutissat pillugit isumasioqatigiinneq

Nunami sumiiffinnut internetikkut paasissutissanik Kalaallit Nunaanni atuineq pillugu isumasioqatigiinnissaq novembarip 23-aniit 25-at ilanngullugu Nuummi ingerlanneqasaaq.

NunaGIS pillugu takorluugarpasuit nunami sumiiffinnut paasissutissat pillugit isumasioqatigiinnermi immersuisuussapput. Isumasioqatigiinnermi nunami sumiiffinnut paasissutissat digitaliusut atornerarnerani periarfissarpasuit Kalaallit Nunaata qanoq atorsinnaanera pillugu paasisaqarnissaq siunertarineqarpoq. Tassani pisortat iluanni aammalu innuttaasunik oqaloqateqarnermi atuineq pineqarpoq.

Isumasioqatigiinnermi ilaatigut NunaGIS-ip ukiut marluk sinnerlugit ingerlasimanera, ilaatigullu 2010-mi upernaakkut SDI-mi Suliniut pillugu Naalakkersuisut akuersisimanerat tunngavigineqarput. SDI tassaavoq 'Spatial Data Infrastructure'. Taanna 'nunami sumiiffinnut paasissutissatigut attaveqaatinik' nutserneqarsinnaavoq.

"Kalaallit Nunaanni pigineqaruni Nuna GIS-imiissimassaaq". Namminersorlutik Oqartusani Nuna tamakkerlugu pilersaarusiornermut immikkoortotaqarfimmi sakkussamik ataatsimut aqunneqartumik nutaamik, NunaGIS-imik taaguuserneqartumik ineriartortitsinnermini tamanna takorluugaani pingaarnersaavoq.

- Suliassaqarfimmi ataatsimi suliat tamaasa ilisimasallu tamaasa nunap assinganut digitaliusumut ikkussorsinnaagutsigu, suliassaqarfimmi aalajangersimasumi allaffissornikkut suliat innuttaasullu pissutsinik paasisaqarsinnaanerat annertuumik pitsanngortinneqartussaavoq. Tamatuma peqatigisaanik politikerit aalajangiiniarnerminni sakkussanik nu-taarluinnarnik tunngavissaqalissapput, Klaus Georg Hansen oqarpoq.

Klaus Georg Hansen, Nuna tamakkerlugu pilersaarusiornermut immikkoortortami pisortaq oqaluttuarpoq, pisortat aqutsiviini suliat tamarmiusut 80%-ii tikillugit nunami sumiiffinnut attuumassuteqartartut. Assersuutigalugu aalisagartassiisarnermi nunami sumiiffinni assigiinngitsuni aalisagaqassutsimi ilisimasat tunngavigineqartarput, atuarfinnik ineriartortitsinnermi suliani illoqarfinni nunaqarfinnilu assigiinngitsuni inunngortartut amerlassusaat tunngavigineqartarput, aammalu sanaartor-fissagissaanissamut pilersaarutini ilaatigut Kalaallit Nunaanni illoqarfinni annerni innuttaasut amerliartornerannut kisitsisigit paasissutissat aallaavigineqartarput.

22.11.10

Postboks 909
3900 Nuuk
Tlf. (+299) 34 50 00
Fax (+299) 31 31 54
E-mail: iaan@nаноq.gl
www.nаноq.gl

Teknologi, ilaatigut Google Earth-imi ilisimaneqartoq atorlugu nunami sumiiffik ataaseq pisortat suliassanik suliaqarnerani 'matuersaatitut' atorneqarsinnaalerpoq. Nunami sumiiffik ataaseq suliamut isissutigissallugu, soorlu inunntut tunngatillugu suliaqarnermi CPR-normutut pitsaatigaaq.

Internetimi tunngavissamik, nunami sumiiffinnut paasissutissanik nassaarfiusinnaasumik ineriartortitsinissaq pilersaarutigineqarpoq.

Sapinngisamik amerlanerpaanut paasissutissat amerlanerpaat

Isumasioqatigiinnermi pisortat nunami sumiiffinnut paasissutissanik atuinnermini periarfissarpassuarnik qanoq iliorlutik atorluaasinnaanannut inuit arlallit siunnersuuteqasapput. Tamanna ilaatigut Namminersorlutik Oqartussat kommunillu paasissutissiisarnert amerlanerusut sapinngisamik amerlanerpaanut siaruarneqarsinnaalersinniarlugit suliaminnik ingerlatitseqqinnissaannut iluaqutaassaaq.

Itinerusumik paasisaqarusunnermi saaffissat:

Immikkoortortami pisortaq Klaus Georg Hansen, tlf: 49 94 36 imaluunniit email:

kggha@nanoq.gl imaluunniit AC-fuldmægtig Aviaja M.N. Andersen, tlf: 34 67 46

imaluunniit email: amna@nanoq.gl